



宋文歸目錄

卷十三

張耒再上提舉書

張耒上唐運判書

張耒答李文叔為兄立謚簡

張耒論法上

張耒論法下

張耒敦俗論

張耒景帝論



張耒賀方回樂府序

張耒送秦少章赴臨安簿序

張耒書五代郭崇韜卷後

張耒宋齊丘化書

張耒藥戒

張耒題賈長卿讀高彦休續白樂天事

吳宗孝與張江東論事書

豐稷上張虞部書

劉跋錢一傳

李昭玘進保伍之策

李劉榮州進貢紬班布表

楊時上淵聖皇帝書

楊時上毛憲書

楊時答陳子安書

楊時答吳國華書

楊時項羽論

楊時賈誼論

宋文歸目錄卷十三終

宋父歸卷十三

竟陵鍾

惺伯敬父選評

古吳楊

彝子常父叅訂

張耒再上鄧提舉書

昔韓退之以書三見宰相。以自見其所有。至於一再而未售也。則又激計奮厲以動之。噫乎。其言亦少詆矣。退之平生其有求於人以濟所欲者。非一也。甚哉。武夫軍師。苟有力勢。可以極之於貧賤者。皆一造而嘗之。善詞以導其心。高言以動其意。挾書懷刺。趨走於當事者之門。既晚而後少得所欲。讀其書。未嘗不悲之。夫如愈之。父章。類非

隨世而沒待其自達而後見於世者也。何其取知於人。若是其勞哉。至其人之不吾知也。以退之之好。到自信有以自樂於道義之際。視世之奪者。不一動其心。宜其邀狀自絕與世。而忘長生而不顧。夫何其忍恥降志。庶幾萬一之遇。又若是其勞。且不歇也。繇是觀之。則人之挾其所有。無所待而見於世者。寔難。視人之知與不知。一不介其意。人不吾知而遂止者。又難也。若人之能薄矣。一日而三蹠於通衢。庶幾有聞。而或者之車敗於奔馳。足折於步趨。敗尺而銑寸。求百而冀一。其始也。振狀自羞。退而觀古之君子。皆未免乎此。則人自怨而有待於功名之會。天下之至難也。使皆畏勞避辱。不肯少抑以有所

就○則○事○功○之○成○者○或○寡○矣○
鍾惺曰、引退之以自况、有叩門拙言、辭之意、而言外淒惋、特甚。

張耒上唐運判書

其聞昔者三代之時。公卿大夫之待其下。何其仁愛忠厚。發於至誠。而能盡下之情也。下之事上。何其夷易簡直。各得自獻其意。無有阻塞不達之恐。而不限於勢也。夫惟上能盡下之情。故下不限於勢。上俯而就之下。仰而及之。故尊卑之情通。而貴賤之士達。狀某嘗疑之。天下亟於求其上者。物理之所當狀。公卿大夫既貴矣。宜其偃狀。無待於物。彼汲汲以求於下。苟有善焉。如恐失之。此其故何也。蓋天下之位有尊卑貴賤之不同者。勢之所當狀。非其事亦判狀。兩為而不相與也。今夫貴者止於自安。一切無事於功名可也。苟有功名之心。

則貴者之功○賤者之力也○尊者之名○卑者之威也○故上之求乎下○猶
下之求其上○也○昔周公既尊矣○身履天下之富貴○而後世稱急賢待
士者○必稽焉○故其效也○百官庶府莫不修治○制度久理莫不彰明○周
公之身○無遺德焉○夫豈周公一人之力哉○惟其狀○故古之公卿大夫
不敢苟簡○守常以優其私○尊者汲汲有求於卑○賢者汲汲不遺於賤
夫上有至誠惻怛之心○不敢遺忘疎遠之士○則士之在下者○亦不敢
復愛其所有○至於奮厲出奇○惟恐不逮者○繇此故也○三代之政○既已
公○卿○大○夫○無復向者至誠盡天下之意○謹身無過○自處甚重○忘其立
功立事之心○浸狀鋤去○感發激昂之氣○以謂無所事於賤○微於下者○

孫鑛曰晚
世公卿尽
皆如此

不過言功。不幸功不至焉。雖有過人拔俗之才。不聞之矣。其斥而太
之。不過論罪。幸而無過。雖天下之冗瑣。不復問之矣。情阻而不合氣
否。而不交。下畏其上。則有之矣。而不忠也。賈賤異志。尊卑不親。而三
代之風。泯然矣。事功之不立。豈不以此哉。某嘗讀西漢見吳公之取
賈生。田延季之用尹翁歸。暴勝之禮雋。不疑。蓋嘗竊嘆三人者。猶能
降心迹。古之義居尊。以禮賢。致誠以納士。以太守之尊。使者之貴。親
與匹夫下士相接。務盡人之才。而忘下之瀆也。夫如前三君者。未足
道也。狀已能如此。狀則天下之賢者多矣。安知無有慨然能用古義。
不溺於派俗。有功名之心。而忘其區區之尊嚴者耶。嗚呼。安得斯人。

者而處天下之富貴哉使誠有之天下之遺善潛德庶幾乎興矣

茅坤曰高論動人

鍾惺曰妙在始終不說入己身而旨趣深遠

張耒答李文粹為兄立謚簡

耒頓首。昨日辱示尊兄墓銘。即當書納。而蒙問以所未安。既有所疑。不敢默也。為兄作謚固善。但古者賤不誅。貴幼不誅。長誅與謚一道也。自下議上不順。又以尊臨卑。則公議不得盡伸。俾無以盡善惡之寔。况於骨肉宗族。而可以相為立謚耶。古之私謚者甚多。如王通。次門人私謚。文中。孟郊。次韓愈。張籍。謚以貞曜。狀後讀通所著書。續經其狂誕野陋。乃可為學者發笑。郊以餓士。偶工於詩耳。世之言通與郊之寔。不過如此。文中貞曜。竟何補哉。古者生無爵。死無謚。孔孟顏閔。不聞有謚。雖其門人。明受尊愛之如此。亦不敢為作謚。此數君子。

後世豈以無謚而遂不傳哉。繇是觀之。謚不能使欺者。傳無謚不能使寔者。沒賢兄之懿。人寔聞之。其不至公卿而次。不得使有司顯議而公謚之。其為不幸。無可言者。但其德美之寔。苟不可泯滅。自應傳世。而今乃兄弟生徒為之易名。則失薄俗之喜。以嫌處物者久矣。孰肯為弟不私其兄哉。既嫌於私。則聞者不信。不信則并與其寔而敗之矣。所為愛之。正以害之也。願受審度。此一節。其它尚有一二事。容而論之。蠟紙且留。此係改定。即當下筆。替易死罪。

鍾惺曰。正色而對。想見古文人不苟處。

張耒論法上

古之善為天下者不患法不立而患不能為法不患法不足而患法
密而不勝舉狀則天下之治亂不繫法之存亡歟夫亦有推本而後
知其至也夫法之所生不生於無事事起而不可理則法從而經之
事日益多法日益周事日益新政日益正竝起而相制則不勝者受
其患故法不勝事則天下之亂紛狀而起故治天下者非無法之尚
也為其無事之可賢也非法備之可削也為其事變之可慮也昔者
三代之治不若堯舜商周之治不如夏后孔子曰後世有作者虞帝
不可及也又曰虞夏之道寡怨於民商周之道不勝其弊夫舜之禮

比於夏后之時則畧矣。商周之禮比於夏后之時則備矣。夫四代之治。否。豈。禮。不。具。之。罪。哉。制。度。日。多。淳。粹。日。衰。矣。天。下。之。勢。譬。如。人。之。一。身。夫。世。之。人。有。不。興。衰。暑。不。治。藥。后。恣。口。之。所。食。肆。辭。之。所。安。夫。如。是。者。問。其。幸。必。壯。者。也。深。居。與。處。愛。養。備。至。藥。后。百。物。毒。烈。備。進。而。矣。父。鍼。破。偏。常。而。無。遺。問。其。年。則。必。老。者。也。夫。虞。夏。之。道。壯。者。也。其。不。治。可。為。也。其。不。足。可。補。也。壯。者。之。疾。易。治。也。商。周。之。道。老。者。也。其。不。治。難。為。也。以。其。嘗。治。之。而。不。信。故。也。其。不。足。難。補。也。以。其。嘗。補。之。而。不。滿。故。也。以。彼。之。疾。方。來。而。吾。之。術。已。窮。彼。之。變。未。休。而。待。之。道。已。盡。如。是。則。收。繼。之。矣。噫。夫。天。下。之。不。能。取。韓。於。漆。也。如。此。而。世。

之君子因事制變而尤法之不足豈不悲哉夫法度之弊起於適不足而求勝其民而敗於啓民之邪心而多怨夏之繼舜也豈不知舜之為不可及也商周之繼夏也豈不知其弊之將不勝也狀而明見其弊而不為已何也豈其世變日繁而德有所不足故耶德不足以還民之初熟視其亂而莫之禁則將以智加之故曰法起於德不足而求勝其民夫上以智勝其下則下亦以智勝其上不終馬首則毀衝竊轡之馬終身而不知不立門牆則穿窬竊發之盜終身而不為法之於民常制其一而開其一制之者易見而開之者難防上下以智相勝而姦邪詭偽不可勝究故天下之人始忘其歡欣戴君之心

而有怨怒忌之辭。故曰：敗於啓民之邪心而多怨。嗚呼！夏之後為商。商之後為周。三代之治，未甚相變也。其治亂之迹，未甚相遠也。周亡而為秦，天下大亂。先王之治，掃滅而無餘。治世之迹，卒不能復。先王之絲毫而三代之俗，遂以不見於後世。何也？夫法未極，則俗之變未足。夏商之法，嘗若極矣。朕民未大猷也。民有未懼之心，則其淳氣美質猶有存者。周之法，詳矣。極矣。不可以復加。其俗之變已窮，而民之姦心邪態靡不畢出。其智備其質，盡其惡，甚其美。殫故周之亡而不可復為矣。此聖人所以深悲之。而曰：周人之末，瀆神而費爵，刑罰窮矣。此後所以必為秦也。歟。

茅坤曰世風之薄皆思良法以挽之而不知人心之久壞於法也
讀此惘然

張耒論法下

古○之○有○天○下○者○必○得○於○絲○爭○敗○亂○之○後○夫○人○之○情○出○於○亂○亡○之○後○則○其○情○苦○而○思○安○夫○惟○其○情○苦○而○思○安○故○其○事○簡○而○易○教○天○下○有○易○教○之○俗○則○上○無○難○立○之○法○故○有○國○家○者○其○初○下○常○綏○靜○而○易○治○安○平○之○日○久○而○民○之○侈○心○生○嗜○慾○之○動○無○窮○而○罪○愈○繁○故○居○其○上○者○乃○始○日○夜○補○完○其○缺○敗○而○調○伏○其○囂○強○曲○為○之○防○多○為○之○制○法○度○繁○興○刑○政○畢○舉○久○勝○而○質○不○足○名○美○而○實○不○稱○大○拉○有○國○者○中○世○以○後○天○下○之○事○常○多○而○國○家○之○觀○益○美○生○民○之○過○日○滋○而○有○司○之○父○加○儆○而○世○之○惑○者○以○謂○能○完○上○世○之○不○足○而○備○前○人○之○所○未○成○以○為○成○功○而○不○知○

其○不○若○使○上○世○之○質○未○散○而○前○人○之○機○常○在○也○天○下○之○物○其○勢○相○激○而○後○變○生○焉○名○美○者○寔○之○所○繇○也○文○備○者○偽○之○所○自○起○蓋○嘗○以○漢○之○事○考○之○高○祖○取○天○下○於○秦○民○小○於○百○戰○夷○傷○之○餘○父○子○兄○弟○僅○相○保○聚○以○安○其○生○故○其○氣○帖○然○靜○愿○而○少○事○而○高○祖○久○景○得○以○畫○一○之○法○羈○縻○而○安○輯○之○歷○數○世○而○天○下○安○安○海○內○有○大○亂○而○豪○杰○不○作○此○民○淳○而○法○簡○之○故○也○至○於○武○宣○天○下○之○勢○久○習○於○無○事○民○意○日○縱○豪○俠○盜○賊○稍○起○於○里○閭○二○帝○乃○修○明○制○度○收○納○天○下○之○才○講○政○備○物○以○與○天○下○戰○於○才○智○之○中○才○者○奮○而○姦○者○隨○之○強○者○勝○而○亂○者○因○之○紛○紛○藉○藉○以○傳○於○不○肖○之○子○孫○而○漢○以○大○壞○此○則○事○衆○而○法○備○之○弊○也○故

陳仁錫曰
善於論政

天下之難治不在於創始鹵莽之初而常在於積安大備之後是故
君子必觀其兆而審其宜解其甚而不激其變使其勢不為周人之
已甚而務使後世可以有加嗚呼其本果安在哉蓋天下之弊好強
治者必召天下之大亂務窮利者必貽天下之大害夫汚尊而杯飲
晉梓而土鼓天下之人苟未厭其為禮樂也則吾之禮樂雖足以備
天下之歡容藏而勿陳可也櫓巢營窟之居衣薪不封之葬天下之
人苟不失為生成之所安則吾之制度雖足以建九筵之堂五稱之
衣棄而勿用可也不亂則已不必邀其敬不欺則已不必盡其忠是
謂不求備於民矣可以之道起於不求備而效於人不厭譬之萬金

之家責之千金。其力亦足以供我之求。狀吾日取一金焉。於是有不
得已而取之。百金彼猶樂輸而不怨。何則。彼惟所有者未竭而不厭
故也。故禮樂刑政之設於下。使民有未厭之意。則後世有作者得以
復加焉。故其弊也可以自救。而不至於術窮智竭而無繼。嗚呼。惑者
徒見漆度密而民不化。文理具而功不立。日夜逆而加之。嗚呼。亦失
其本矣。天下之勢不可以激。而民之智不可窮。激之以所欲者。必得
其所不欲。窮之以所能者。必報之以其所不能。徐道其欲。激之勢而
扶其未用之智。則天下久安而無虞。狀則周人其未足以知此歟。彼
或者遭其會而有不得已焉。故也。

鍾惺曰。養天下於樸固善。狀風教日開。淳龐日散。亦時之無可柰
何者也。但立泐於上者。不可不知此意。

宋文公

卷之五

集賢堂

張耒啟伯論

所謂人主之利勢者。惟其能供天下之所求。而我無所求於人。故能奔走天下。使其進退取舍。莫不在我。而天下之人。雖欲去之而不得。蓋惟其能貴。故天下之賤者尊之。惟其能富。故天下之貧者宗之。使之脫然舍去斯二者。則天下之人。誰肯以區區之名。而服之哉。故富與貴者。人君操之以用其下者也。雖然。天下之利。惟富貴而後可為。則先王之治。宜其隆勢利。重權位。使其民惟富貴之知。而見其已之尊嚴。然其率天下也。何其退約。廉遜教其民。務為安貧樂賤之事。而深抑好爭務利之心者何也。夫天下之人。不可使求為利也。夫使天

下○之○人○惟○利○之○為○求○則○大○者○篡○小○者○叛○惟○其○得○之○而○後○已○嗚○呼○使○人○皆○欲○得○其○上○之○所○樂○則○將○日○仇○其○上○而○奪○之○矣○如○是○則○吾○立○於○天○下○之○上○不○亦○甚○殆○哉○是○故○先○王○思○所○以○長○享○富○貴○之○利○求○其○安○而○無○亂○眼○而○無○爭○是○故○為○是○廉○恥○冲○退○之○道○使○之○輕○祿○位○而○賤○權○勢○而○惟○仁○義○之○知○公○卿○之○爵○人○之○所○欲○也○狀○三○遜○而○後○受○萬○鍾○之○祿○人○之○所○甚○貪○也○狀○無○名○而○不○敢○當○嗚○呼○使○天○下○之○人○皆○仁○義○之○人○耶○則○吾○捐○國○而○與○之○有○不○受○者○矣○三○代○之○歷○幸○後○世○莫○及○而○攷○其○教○化○風○俗○之○美○詩○書○之○所○載○後○世○亦○無○有○繼○之○者○狀○其○效○可○知○也○予○嘗○悲○夫○自○聖○人○之○亡○後○世○之○治○天○下○者○不○明○乎○此○也○開○功○名○權○利○之○門○以○誘○天○下○而○

使○其○民○汲○汲○狀○惟○利○之○知○而○幸○其○區○區○之○功○利○尚○功○而○賤○德○貴○才○而○
廢○道○獎○勝○而○盪○還○進○位○而○卑○齒○故○天○下○皆○有○慕○狀○樂○富○好○貴○之○心○而○
不○安○其○分○反○顧○其○貧○賤○而○惡○之○而○日○思○其○所○以○去○之○之○術○夫○惟○人○惡○
其○貧○賤○而○求○去○之○而○天○下○之○亂○始○起○矣○故○後○世○之○所○謂○利○其○國○而○自○
安○者○未○始○不○亡○其○國○而○自○危○也○昔○者○秦○之○倍○蓋○若○此○矣○方○其○疾○戰○不○
顧○以○取○諸○侯○也○使○其○人○惟○攻○戰○爭○奪○之○為○求○故○秦○之○民○皆○忘○其○上○而○
利○其○身○功○成○戰○克○而○後○天○下○之○人○移○其○勝○數○之○志○為○仇○君○之○心○蓋○其○
平○日○之○所○養○耳○目○之○所○習○有○以○使○之○而○無○足○怪○也○嗚○呼○功○利○之○不○可○
啓○也○如○此○養○虎○之○肉○不○敢○全○而○生○委○之○懼○其○決○裂○以○動○其○怒○而○况○持○

爭具以授之與夫先王之道其始若鈍而後能利其始若近而效窅切蓋老子曰非以其無私耶故能成其私夫成其私而惟私之求則天下公矣夫惟以公得天下之情者天下之所歸也天下之所歸而有不能得其所欲者乎蓋梁惠問孟子以利而孟子對以仁義其說以為上下交征利而國危又曰未有仁而遺其親未有義而後其君者其意非以危國而其極至於國危仁義者若非所以自利也而其效也使人不敢遺而後之則聖人之所以安其身者豈匹夫匹婦之淺近歟嗚呼孟子可謂知利之寔矣

唐順之曰。搃是發明孟氏先義後利之意。而吾之條暢警策。汲於

風俗有補

張耒景帝論

景帝稱實嬰沾沾自喜多易不足以任宰相持重乃相衛綰夫自喜
多易固不足以持重是也而求持重者必如衛綰則已甚矣古之知
人者不觀其形而察其情得其妙而遺其似夫天下之善惡其似者
固未必是而其真者或不可以形求也綰車戲之賤士也其推魯庸
鈍偶似夫敦厚長者之形耳夫敦厚之士其用之也必有蒙其利者
矣豈謂其無是非可否如偶人而已哉苟以是為長者而用之則世
之可以持重者多矣夫惡馬之奔蹏也求其無奔蹏可也得偶焉而
愛之可乎景帝之相綰也是愛偶馬之類也帝之惡周亞夫也曰此

茅坤曰辨
得明透

鍾惺曰數
語實條條
如已

鞅鞅非少主臣也。卒殺之。夫天下之情。其未見於利害之際者。舉不
可知。而要之。易劫以勢者。易動以利。不輕許人之私者。不輕行其私。
亞夫之不納文帝於細柳。與夫不肯侯王信。可謂不可以勢劫而無
私意矣。伏節成義。與夫見利而心不動。非輕勢而滅私者。莫能可以
相少主。共危難者。意非亞夫不可。而帝乃反之。是徒以其剴勁不苟。
其形若難制。而嫚上者。故殺之。而不疑鳴呼景帝者。求人於形似而
失之者也。昔者高祖求傳如意者。而不可得。一周昌能強項面折。而
高祖遂以趙委之。夫昌之不能脫如意於死。其勢蓋有所迫。而所以
任昌者。固相危弱之道也。嗟夫。周昌以此見取。而亞夫乃用是不免。

則景帝之與高祖其觀人亦異矣。
孫鑛曰眼明識高立論自確。

張耒賀方回樂府序

文章之於人。有滿心而發。肆口而成。不待思慮而工。不待雕琢而麗者。皆天理之自狀。而情性之道也。世之言雄暴魁武者。莫如劉季項籍。此兩人者。豈有兒女之情哉。至於過故鄉而感慨。別美人而涕泣。情發於言。派為歌詞。含思悽惋。聞者動心焉。此兩人者。豈其費心而得之哉。直寄其意耳。余又賀方回。博學業文。而樂府之詞。妙絕一世。携一編示余。大抵倚聲而為之。詞皆可歌也。或者譏方回好學能文。而惟是為工。何哉。余應之曰。是所謂滿心而發。肆口而成。雖欲已焉。而不得者。若其粹澤之工。則其才之所至。亦不自知也。夫其盛麗如

游金張之堂而妖冶如攬嬌施之袪幽潔如屈宋悲壯如蘇李覽者
自知之蓋有不可勝言者矣

鍾惺曰所謂文章負奇色此是以常之

張耒送秦少章赴臨安簿序

詩不云乎。蕤蔭蒼蒼。白霜為霜。夫物不受變。則才不成人。不涉難。則智不明。季秋之月。天地始肅。寒氣欲至。方是時。天地之間。凡植物出於春夏雨露之餘。華澤充溢。夫節美茂。及繁霜夜零。旦起而視之。如戰敗之軍。卷旗棄鼓。裹瘡而馳。吏士無人色。豈特如是而已。於是天地閉塞。而成冬。則摧敗拉毀之者過半。其為變亦酷矣。狀自是弱者堅。虛者寔。津者燥。皆斂藏其精華於腹心。而各效其成。溪山之木。上繞青雲。下庇千人者。莫不病焉。况所謂蕤蔭者乎。狀匠石操斧以游於林。一舉而盡之。以充棟梁。楠梓輪輿輟輻。臣細強弱。無一不勝其。

孫鑄曰介
性人波世
注受此
苦

任者此之謂損之而益敗之而成虐之而樂者是也吾黨有秦少章
者自余為太學官時以其文章示余歔歔告余曰惟家貧奉命於大
人而勉為科舉之文也異時率其意為詩章古文往往清嚴奇偉工
於舉業百倍元祐六年及第調臨安主簿學子中第可少樂矣而秦
子每見余輒不樂余問其故秦子曰余世之介士也性所不樂不能
為言所不合不能交飲食起居動靜百為不能勉以隨人今一為吏
皆失已而惟物之應少自偃蹇禍福響至異時一身資養於父母今
則婦子仰食於我欲不為吏亦不可得自今以往如沐漆而求解矣
余解之曰子前日春夏之艸木也今日之病子者兼陵之霜也凡人

韓元春曰
見道之言

惟○惟○安○之○求○夫○安○者○天○下○之○大○患○也○遭○之○為○貴○重○耳○不○十○九○幸○於○外○
則○歸○不○能○霸○子○胥○不○奔○則○不○能○入○郢○二○子○者○方○其○羈○窮○憂○患○之○時○陰○
益○其○所○短○而○進○其○所○不○能○者○非○如○學○於○口○耳○者○之○淺○淺○也○自○今○吾○子○
思○前○之○所○為○其○可○悔○者○衆○矣○其○所○知○益○加○多○矣○反○身○而○安○之○則○行○於○
天○下○無○可○憚○者○矣○能○推○食○與○人○者○嘗○飢○者○也○賜○之○車○馬○而○歸○者○不○畏○
後○步○者○也○苟○畏○飢○而○惡○步○則○將○有○苟○得○之○心○焉○為○害○不○既○名○乎○故○隕○
霜○不○殺○者○物○之○災○也○逸○樂○終○身○者○非○人○之○福○也○

鍾惺曰○學問俱從閱歷中得來○故言之親切有味○

張耒書五代郭崇韜卷後

徐仁錫曰
此書後世
教語之

自古大臣權勢已崇極富貴已充滿前無所希則必退為身慮自非
大姦雄色異志與夫甚庸駑昏闇茸鮮有不狀者狀其為慮也寔難
不憂思之不深計之不工狀異日彙之所望往往自失至深至工是
故莫若以正夫正者撻術簡而周智者為緒多而拙夫正者無所事
計也行所當狀雖怨仇不敢議之况繼之者賢乎郭崇韜於五代亦
聰明權智之士也佐莊宗決策滅梁遂一天下自見功高權重姦人
議已而莊宗之昏為不足賴也乃為白安之計時劉氏有寵莊宗嬖
之因請其為后而中莊宗之欲又結劉氏之援此於劉氏為莫大之

恩而益宗日以昏酒內聽婦言其為計宜無如是之良者朕幸之錢
崇韜者劉氏也使崇韜繆計不通劉氏不能有所助而已豈知身死
其手哉好謀之士敗於謀好辯之士窮於辯惟道德之士為無所窮
而禍福之變豈思慮能究之哉

鍾惺曰自奸雄枉心塗面偽諸醜態只知以此取富貴而不知
適足以此賈禍害雖天道妙於弄人而寔人謀之獲罪於天也
觀此可省

為書曰入
晉之論

張耒書宋齊丘化書

齊丘偽唐謀臣。其智特大。鼠之雄耳。何足道哉。其為化書。雖皆淺機。
小數。亦微有見於道德。其能成功有以也。吾嘗論黃老之道德。本於
清淨。無為。遣去情累。而其末多添為智術。刑名何哉。夫惟靜者見物
之情。而無為者知事之要。據其要而中其情者。知術之所從出也。仁
義生於思。思生於人情。聖人節情而不遣也。無情之至。至於無親人。
而無親。則恐矣。此刑名之所以用也。齊丘之道既陋。而其文章頗亦
高簡。有可喜者。其言曰。君有奇智。天下不親。雖聖人出。斯言不廢。
鍾惺曰。高識明眼。可與論古。

張耒藥戒

張子病痞。積於中者。伏而不能下。自外至者。捍而不得納。從醫而問之。曰。非下之不可。歸而飲其藥。既飲而暴下。不終日而向之伏者散而無餘。向之捍者柔而不走。焦膈道達。呼吸開利。快狀若未始有疾者。不數日痞復作。投以故藥。其快狀也。不如初。自是逾月而痞五作。五下。每下輒愈。張子之氣一語。而三引。辭不勞而汗脫。不少而慄。膚革無所耗於外。而其中蕭狀莫知其所來。噫。夫痞非下不可。已余從而下之。術未爽也。而吾之蕭狀者。獨何與。聞楚之南有良醫焉。往而問之。醫嘆曰。子無嘆。是蕭狀者也。凡子之術。固為是蕭狀也。坐吾語。

茅坤曰
言至理

汝○天○下○之○理○有○甚○快○於○予○心○者○其○未○必○有○傷○求○無○傷○於○終○者○則○初○無○
望○於○快○吾○心○陰○伏○而○陽○蓄○氣○與○血○不○運○而○為○痞○橫○乎○子○之○胸○中○者○其○
累○大○矣○繫○而○去○之○不○須○臾○而○除○甚○大○之○累○和○平○之○物○不○能○為○也○必○將○
擊○搏○震○撓○而○後○可○夫○人○之○和○氣○冲○眈○而○甚○激○泊○乎○其○易○危○擊○搏○震○撓○
之○功○未○成○而○子○之○和○氣○嘗○已○病○矣○繇○是○觀○之○則○子○之○痞○凡○一○快○者○子○
之○和○一○傷○矣○不○終○月○而○快○者○五○則○子○之○和○平○之○氣○不○既○索○乎○故○膚○不○
勞○而○汗○胥○不○步○而○慄○蕭○然○如○不○終○日○也○且○將○去○子○之○痞○而○無○害○於○和○
平○子○歸○燕○居○三○月○而○後○子○之○藥○可○為○也○張○子○歸○燕○居○三○月○齋○戒○而○復○
請○之○醫○曰○子○之○氣○少○完○矣○取○藥○而○授○之○曰○服○之○三○月○而○疾○少○平○又○三○

陳仁錫曰
直說破治
國是大家
手筆

月而小康終季而復常且飲藥不得亟進張子歸而行其說狀其初
使人慙狀遲之蓋三投其藥而三反之也狀日不見其所攻久較則
月異而時不同蓋歲而疾平張子謁醫再拜而謝之坐而問其故醫
曰是治國之說也豈特醫之於疾哉子獨不見秦之治民乎勅之以
命捍而不聽令勅之以事放而不畏法令之不聽治之不變則秦之
民嘗瘁矣商君見其瘁也厲以刑法威以斬伐勁捍猛鷙不貸毫髮
痛刻而力鋤之於是秦人之政如建瓴流蕩四達無敢或拒而秦之
瘁嘗一快矣自孝公以至於二世凡幾瘁而幾快矣頑者已圯強者
已柔而秦之民無惟心矣故猛政一快者惟心一已積快而不已而

秦之四支。枵狀。後有其物。而民心日離。而君孤立於上。故匹夫大呼。不終日。而百疾皆起。秦欲運其手足。肩臂而漠狀。不我應矣。故秦之亡者。是好為快者之過也。昔者先王之民。其初亦嘗痛矣。先王豈不知。嘉狀擊秦之之為速也。惟其有懼於終也。故不敢求快於吾心。優柔而撫存之。數以仁義。進以禮樂。陰解其亂。而徐去其滯。使其悠狀。自適於平安。而不自知。方其未也。苟觀而適狀者有之矣。狀月計之。歲登之。則前歲之倍。非今歲之倍也。不擊不搏。無所忤逆。是以日去其戾氣。而不櫻其歡心。於是政成教達。安樂悠久。而無後患矣。是以奕代之治。皆更數聖人。歷數百季。而後禍成。則余之藥終季而愈疾。

者蓋無更怪也。故曰天下之理有甚快於余心者其末也。必有傷求無傷於其終。則無望於快吾心。雖狀豈獨於治天下哉。張子再拜出而記其說。

鍾惺曰。儒者崇論王道。不啻舌敝。而世猶有襍霸之思。此只俗醫一喻。就秦一証。而王霸之辨了然。使人心服。



